

# INTROD

## La querta di melè

L'î eun cou an fameuille que viquichè dedeun an pitchouda mèizòn i caro di veladzo. Comme la pi grousa partiya di fameuille d'eun cou, l'î an fameuille nombreuza. Tro nombreuza, pe rapor i pocca bièn que traillò : cat-tro pro su pe le greuppe é coutche croué tsan a l'eunvése. L'î to hen que lo péé de fameuille l'ayè eetó de se davanti. Lo pouo ommo é sa fenna, magrì leur-z-éfor, lo deur traillè é le sacreficho de tcheu le dzor, l'aréoon pomì a mantchan-ì leur satte mèinoù é lo granpée, que l'ayè beuntoù vouitant'an. Eun bió dzor lo péé, la mor dedeun lo queur, mande querié lo pi groù di mignosse é lèi di : « Pagàn l'è tro vioù, pou pomì édjà eun campagne é hit èivîa n'arèn po proi de pan pe tcheu no. Mè é tè, voui, no alèn i bouque é no améèn pagàn avouì no. Aprì, can veun teuppe, no lo abandoun-em-pe su la montagne. À va me quî la querta di melè pai, di mouente, lo natte l'arè coutsuza pe se topé ». Lo mignò adòn l'et aló i boi di melè, la prèi la querta, l'a coppéye-là eun dou é l'a pourto-lèi-nèn eunna di dô métchà. Can lo péé l'a demado-lèi lo pèquè, lo mignò l'a repondu-lèi : « Heutta l'è pe pagàn ; l'otra métchà, pappa, dze la vardo pe vo ».



lo gnalèi

### Tiré de :

Récit oral recueilli et adapté par Daniel Fusinaz

Texte publié en 2013 sur «Noalle d'Euntrou»

Collaborateur d'Introd pour la traduction: **Daniel Fusinaz**

Transcription: Guichet Linguistique